

sab Ntawv Txib Kev Cais Tawm rau Kev Tsis Muaj Qhov Ntaub Ntawv Teev Tseg (Daim Foos Tsos Daj)

Tsab ntawv no yog dab tsi?

Tsab ntawv no yog ib tsab ntawv ceeb toom qhia paub raws kev cai lij choj. Lub tsev kawm ntawv los sis lub chaw (tsev) zov me nyuam yaus uas koj tus me nyuam mus kawm ntawd tsis muaj ib daim ntaub ntawv teev tseg txog ntawm koj tus me nyuam cov koob tshuaj txhaj tiv thaiv kab mob li. Koj yuav tsum tau xa ib daim ntaub ntawv teev tseg ntawd mus rau lawv tsis pub dhau Hnub Ua Kev Cais Tawm ntawd los sis tsis li ntawd ces yuav tsis tso cai rau koj tus me nyuam mus rau tom tsev kawm ntawv los sis lub chaw (tsev) zov me nyuam yaus kom txog ntua rau thaum muab cov ntaub ntawv teev tseg ntawd hloov kho dua tshiab tag lawm tso.

Koj yuav tsum tau ua li cas?

- **Yog hais tias koj muaj ib daim ntaub ntawv teev tseg txog ntawm koj tus me nyuam cov koob tshuaj txhaj tiv thaiv kab mob:**
Nqa daim ntaub ntawv teev tseg ntawd mus rau tom koj tus me nyuam lub tsev kawm ntawv los sis lub chaw (tsev) zov me nyuam yaus.
- **Yog hais tias koj tsis muaj ib daim ntaub ntawv teev tseg, tab sis mas koj tus me nyuam twb tau txhaj cov koob tshuaj txhaj tiv thaiv kab mob ntawd tag lawm:**
Hu rau koj tus me nyuam tus kws kho mob lub chaw ua hauj lwm los sis ALERT IIS, qhov chaw tso npe txog kev txhaj tshuaj tiv thaiv kab mob xeev Oregon ntawm 1-800-980-9431. Thaum twg koj tau daim ntaub ntawv teev tseg ntawd lawm, nqa nws mus rau tom koj tus me nyuam lub tsev kawm ntawv los sis lub chaw (tsev) zov me nyuam yaus.
- **Yog hais tias koj tus me nyuam tseem tsis tau txhaj cov koob tshuaj txhaj tiv thaiv kab mob:**
Teem ib lub sij hawm mus ntsib kws kho mob txhawm rau txhaj cov koob tshuaj txhaj tiv thaiv kab mob ntawd kom sai li sai tau. Qhia rau lawv paub txog tias koj tus me nyuam yuav raug lub tsev kawm ntawv los sis lub chaw (tsev) zov me nyuam yaus muab xa los mus tsev vim tsis muaj cov koob tshuaj txhaj tiv thaiv kab mob. Yog hais tias koj tsis muaj ib tus kws kho mob, hu rau 211. Lawv muaj peev xwm pab koj tshawb nrhiav ib lub chaw kuaj mob txhawm rau mus txhaj cov koob tshuaj txhaj tiv thaiv kab mob. Thaum twg koj tau daim ntaub ntawv teev tseg txog koob tshuaj txhaj tiv thaiv kab mob ntawd lawm, nco ntsoov muab ib daim ntawv theej xa mus rau koj tus me nyuam lub tsev kawm ntawv los sis lub chaw (tsev) zov me nyuam yaus.

Yuav ua li cas yog hais tias muaj ib tus kws kho mob hais rau koj tias koj tus me nyuam tsis tsim nyog tau txais cov koob tshuaj txhaj tiv thaiv kab mob?

Xeev Oregon tso cai pub muaj ib qho kev zam ntsig txog fab kev kho mob. Ib tus kws kho mob los sis lub thawj fab saib xyuas hauj lwm kev noj qab haus huv hauv zej zos yuav tsum tau kos npe rau. Yog koj xav hais tias koj tus me nyuam tsim nyog yuav tsum tau txais ib qho kev zam ntsig txog fab kev kho mob, ces sib tham nrog koj tus me nyuam tus kws muab kev saib xyuas kho mob.

Yuav ua li cas yog hais tias koj xaiv tsis txhaj cov koob tshuaj txhaj tiv thaiv kab mob ntawd?

Xeev Oregon tso cai pub muaj ib qho kev zam uas tsis yog fab kev kho mob. Rau lus qhia paub txog txoj hau kev kom tau txais ib qho kev zam uas tsis yog fab kev kho mob, mus rau ntawm www.healthoregon.org/vaccineexemption.

Yog koj muaj lus nug yuav ua licas?

Hu rau lub thawj fab saib xyuas hauj lwm kev noj qab haus huv hauv zej zos uas muaj npe teev tseg nyob rau ntawm tsab ntawv ceeb toom qhia paub raws kev cai lij choj. Lawv muaj peev xwm teb cov lus nug ntawd rau koj.